



2023-imi nunatsinni toqussutaasut

Eqikkaaneq

2023-imi toqusut katillugit 527-iupput (angutit 335-it arnallu 192-it). Toqussutaagajunnerpaat tassaapput nappaammik, utoqqalinermik kingunerluummilluunniit toqquteqarneq (nalinginnaasumik toqquteqarneq), tulluullutik immiut toquttut ajunaartullu. Kræfti uummatikkullu nappaatit 2023-imi toqussutaagajunnerpaapput. Immikkoortuni tulluuttuni toqussutasaartut nassuiarneqarput.

Brevdato: 27-10-2025
Sagsnr. 2023 - 26779
Dok. nr. 25886516

Aallaqqaasiut

Nunatsinni Nakorsaaneqarfik, nalunaarsorneqartuartunik pitsaassusaallu qulakkeerneqartartunik, nunatsinni toqusunut uppersaatinik pissarsisarpoq. Toqusunut uppersaatait, paasissutissat- ilaatigut pisariitsumik pissarsiarineqarsinnaangorlugit NOMESCO-mut¹ avitseqatigiissutigineqarsinnaanissaat siunertarlugu, Danmarkimi peqqinnissaq pillugu paasissutissanut aqutsisoqarfimmut/Sundhedsdatastyrelsimut, toqussutaasunik immikkut ilisarnaasiisartumut toqussutaasunillu nalunaarsuivimmut nalunaarsugassanngorlugit, nassuineqartarput. Nunani tamalaani nappaatinik immikkoortiteriaaseq (ICD) toqussutaasunik ilisarnaasiinermi atorineqartarpoq. ICD, Naalagaaffiit Peqatigiit Peqqinnissaq pillugu Suliniaqatigiiffissuannit (WHO) suliarineqarsimavoq 1990-imilu qulissaanik nutartigaq (ICD-10) akuerineqarluni. 1994-imi ICD-10 atorlugu immikkoortiteriaaseq Nunani Avannarlerni atorineqalerpoq (1).

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl

ICD-10 atorlugu immikkoortiteriaatsimi nappaatit toqussutaasullu, naatsorsueqqissaarnermi kisitsisinik misissuinermilu paasissutissanik saqqummiussisoqarsinnaangorlugu immikkoortiterneqarput, (1). misissueqqissaarnerit taakku nunatsinni toqussutaasut ersarinnerulersittarpaat, nunanilu allani ICD-10 atorlugu immikkoortiteriatsimik atuisuni toqussutaasut assersuunneqarsinnaangortittarlugit.

Ukiut tamaasa toqusunut uppersaatait, qupperinerillu aappaat- toqussutaasullu nalunaarsimaffiat amigaataasut, assigiinngitsunik patsiseqartunik Nunatsinni Nakorsaaneqarfimmit pissarsiarineqartanngitsut arlaliusarput. Taamaammatt Nunatsinni Nakorsaaneqarfimmit paasissutissani toqusut Kalaallit Nunaanni Naatsorsueqqissaartarfiup kisitsisaataanit ikinnerugajussapput. Ukiunut siuliinut sanilliullugit maanna Nunatsinni Nakorsaaneqarfiup paasissutissaataanut toqusut toqusut uppersaateqanngitsut, CPR-naapertorlugu nalunaarsukkanut ataqatigiissaarinikkut ilanngunneqarput. Taakkunani toqussutaasut immikkut ICD-10 atorlugu ilisarnaasiinermi ilanngitsumik (R990) ilisarnaaserneqassapput. Tamanna toqusut sumik toqquteqarnerat nalunaarsimanngitsut, ukiunut siuliinut sanilliullugit amerlinerannik kinguneqarpoq (A-listimi imm. A-24).

¹ NOMESCO - Nordic Medico-Statistical Committee

A-listi tassaavoq ICD-10 atorlugu immikkoortiterinermi akuttussuserititanut takussutissiaq (ilanngussaq, qup. 7-8). A-listi toqussutaasunik nappaatinut pingaarnernut 24-inut immikkoortiterinermut atorneqartarpoq. Kisitsisit toqussutaasunik nalunaarsuiffimmeersut allakkiami matumani atorneqarput. Allakkiami 2023-imi toqussutaasut nassuiarneqarput.

2023-imi toqussutaasut

Toqussutaasut, toqusut pillugit uppersaammi krydsilerneqartarput. Nalinginnaasumik toqquteqarneq, ajunaarneq, toqunneqarneq, imminut toqunneq ilisimaneqanngitsullu toqqagassaapput.

2023-imi toqusut toqussutaasullu, ataani tabelimi 1-imi takutinneqarput. Nalinginnaasumik toqussuteqartut amerlanerupput, tulliullutik imminut toquttut ajunaartullu.


Ataatsimut katinneri/ a-listimi ataatsimut katinneri toqussutaasullu assigiinngimmata, toqussutaasutut tunngavigineqartut ataatsimut katinneqarput (a-listi).

Tabeli 1 2023		
Toqussutaasut	Amerlassusaat	Procentinngorlugit
Nalinginnaasumik toqussuteqarneq	467	88,27
Ajunaarnerit	15	2,83
Toqunneqartut	3	1,7
Imminut toquttut	39	7,37
Ilisimatissisutaanngitsut	5	0,94
Katillugit	529	

2023-imi toqussutaasut

2023-imi toqussutaagajunnerpaat immikkoortumi matumani nassuiarneqarput.

Takussutissiaq 1



2023-im toqusut, toqussutaasunut suaassutsinullu agguataarneqarnerat, takussutissiami 1-imi takutinneqarpoq. 2023-imi toqusut katillugit 527-iupput, taakkunannga angutit katillugit 335-iupput arnallu 192-iullutik. Takussutissiami 1-imi takuneqarsinnaasutut, angutini arnanilu amerlanerit kræftimik toqquteqarput, taakkununnga tulluupput uummammikkut nappaateqartut. Angutini toqussutaagajunnerpaat tassaapput kræfti, uummatikkut nappaatit imminullu toqunneq. Arnani toqussutaagajunnerpaat tassaapput kræfti, uummatikkut nappaatit anersaartuutitigullu nappaatit.